



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

PROGRAM KARNIVAL MOST BERJAYA MENGUMPUL ASPIRASI MASYARAKAT LUAR BANDAR MELALUI DIALOG TRANSFORMASI NASIONAL 2050 (TN50)

Sri Aman, 26 November 2017 – Seramai 600 orang yang terdiri daripada sukarelawan dan Badan Pertubuhan Bukan Kerajaan (NGO) Wanita telah menyertai Program Dialog TN50 bersama YB Dato' Sri Rohani Abdul Karim, Menteri Pembangunan Wanita, Keluarga dan Masyarakat merangkap Ahli Parlimen P201 Batang Lupar.

Dialog TN50 yang telah diadakan berjaya mengumpul sebanyak 21 aspirasi yang berkaitan dengan Kementerian Pembangunan Wanita, Keluarga dan Masyarakat (KPWKM) daripada masyarakat luar bandar. Antara aspirasi yang telah disampaikan oleh peserta adalah agar menjelang tahun 2050 negara dapat melahirkan sukarelawan yang berjiwa kesukarelawan sanggup berkorban apa saja demi kepentingan masyarakat dan negara.

Dialog TN50 yang diadakan pada kali ini adalah sempena Program Karnival MOST yang dihoskan sepenuhnya oleh YB Dato' Sri Rohani Abdul Karim. Karnival MOST yang diadakan bertujuan untuk menghebahkan pemilihan YB Dato' Sri Rohani Abdul Karim sebagai Presiden Intergovernmental Council of the Management of Social Transformations (MOST) UNESCO bagi penggal kedua tahun 2017 hingga 2019. Beliau telah berjaya menyandang jawatan tersebut sewaktu menghadiri *Extraordinary Meeting of Management of Social Transformation Programme* pada 11 November 2017 di Paris, Perancis.

Management of Social Transformations Programme atau lebih dikenali sebagai MOST Programme merupakan salah satu program di bawah Suruhanjaya Sains Sosial, Pertubuhan Pendidikan, Sains dan Kebudayaan Persatuan Bangsa-Bangsa Bersatu (UNESCO). Ianya bertujuan untuk merancang, menyelaras dan melaksanakan program dan aktiviti UNESCO yang berkaitan dengan bidang sains sosial seperti transformasi sosial, inklusiviti, kesaksamaan gender dan sebagainya.

KPWKM menjadi tonggak utama dalam melaksanakan aktiviti-aktiviti MOST di Malaysia. Justeru itu, program-program yang diatur pada hari ini seperti Seminar *Gender Sensitization*, Seminar Akta Keganasan Rumahtangga dan sesi Dialog TN50 Bersama Sukarelawan dan NGO Wanita merupakan platform MOST School yang disediakan oleh pihak Kementerian melalui Institut Sosial Malaysia (ISM) dalam usaha mentransformasikan bidang sosial rakyat Malaysia secara amnya.

Program pada hari ini turut dihadiri oleh YBhg. Datuk Dato' Suriani binti Dato' Ahmad, Ketua Setiausaha, KPWKM, Yang Berusaha Encik Indit Bangai, Residen Bahagian Sri Aman, YBrs. Dr. Al Azmi Bakar, Pengarah Institut Sosial Malaysia, serta Pegawai-pegawai Kanan Kementerian dan Agensi.

#####

Disediakan oleh : Unit Komunikasi Korporat
Institut Sosial Malaysia
Kementerian Pembangunan Wanita,
Keluarga dan Masyarakat
Lot PT 13856, KM 6
Lebuhraya Kuala Lumpur-Seremban, Sungai Besi
57100 Kuala Lumpur

Telefon : 019-3105163(Zubaidi)/016-8008375 (Hazliza)
Tarikh : 26 November 2017